

脩園集

卷一至

卷六終

丙戌年

脩園集卷一

自萬歷丙午年起

樂府

真中唐秦大來著

白雲謠

天何高兮白雲麗之崇隆者德萬年戴之

南山歌

千山之中南崔巍彼牧者子驅牛來水草豐沃牧子樂哉短歌樂
哉短亦哀今且徘徊我卒當以牧老布衣襤褸歌聲悄幸矣郭門
天未曉

垓下歌

歌何來兮聲莫測飲何深兮交哽咽馬躑躅兮風猶烈

隋上歌

隴上夙有俠士風
繩龍搏虎稱毫雄
腰懸寶劍新磨龍
袍鎧拉雜鮮血紅
三日不為人所攻
五日直闌咸陽宮
長驅設騎大鞘弓
觸其鋒雉類空

饒歌十八首

朱鷺

朱鷺頂飛揚心渥
赭食嘉魚茹之下
闐有聲吐忠貞將
以報聖明

思悲翁

思悲翁悲哉美人
棄我不可從悲思
欲絕心中忡忡思
奪免食狗來攻子
五母兮西復東哀
鳴嗷嗷亦窮

艾如張

艾如張羅山嵯峨
行成之節令如山
出鳳馬亦有羅鳳
所舉處彩

雲多于馬倦止誰為問

上之回

上之田建中極面於南拱於北有宮殿崔魏懸日月游石關望諸國輿圖廣海水立臣服於荒羣瑞輶四方同進萬年歷

翁離

擁離趾有行宮何以歸之鳳與龍擁離趾中何異美善為善

戰城南

戰城南戰不休南有矢石北兇饗王師薄伐併力驅馳聞金進聞鼓不退黎犂庭掃之此其時朝未得食暮猶執戈人飢尚可馬飢無食窮腐肉滿載場焉不食焉徬徨呀見白骨鳥亦亡男兒報國寧畏死願為忠臣死且美忠臣有願一死難酬寧如此鳥不願封侯

平山高

巫山高不可上巫雲重不可望神兮恍惚云何來覓路亦伊阻心
亦伊違哀猿淒淒嘆吾無歸東西南北是耶非之客之人心思深謂
何之

上陵

上陵何巍巍下津風蕭蕭問客從何來言從青雲霄玳瑁為君變
珊瑚為君鞭翡翠為君纈錯以珠燦然中載之龍頭角壯變化五
雲中或潛或在曾不知在碧中空瓊瑤之漿何其美雲為蓋霞為
旌灑灑天壤外羣仙奏璫歌翩翩集華筵祝以無疆壽萬古長悠

將進酒

將進酒進匏醪以恰為聖明不辭碎首紛相激謁者無門空嘆息

纔言不納言路開使主進得良工力

君馬黃

君馬黃且馬蒼二馬相逐誰敢當果然沃若鼻騰驤駢馬武頓轡
一闢天門開夾門開鳴天鼓為風為雲為雷為雨龍首非龍虎尾
非虎齊驅猛士報明主

芳樹

芳樹森森蔚蔚以成林植根聳漢枝柯鬱繁陰秋風忽西來難免
霜雪侵何如松與栢挺持歲寒心抱凍枯巖下臨難終難靡所以
羣聚中豈可無君子

有所思

有所思

乃在東之東南之南西之西北之北思有所在思憂憂何悠哉卒
難憑乎馬駢而車軌豈無合驪帶帶斷何能使君知豈無忘憂草

草絕何能為君貽謂火非火是火何能煖所思謂水非水是水何
能寒所思鐵可蛀兮心可柔從他母命嚴小姑為我抱衾稠曉星
傍尚未收

難子班

難子班難亦云脩脩非為護君子不分難鳥死怒號日中畏明夜
攫血肉豢其腹梟得肉血何愴悻不須以羅羅梟足梟子在穴被
虎傷我出遨遊光燭天魑魅潛逃涕泗連為我謂梟當凜然

聖人出

聖人出定三極定三極震八荒天重開地重光承正統坐明堂儀
丹鳳產青麟大哉魏乎仰一人中外來朝率土賓堯舜禹湯相禪
繼子孝子兮臣忠臣

上邪

上邪我欲與君相歡日不沉月亦不落泰山摧黃河湮鳳生麟乃
敢與君惡

臨高臺

臨高臺高兀兀上有烟雲不可招下有鸞鶴自逍遙黃鸝飛離哉
翻以酒醉鵲令我主壽萬歲樂無疆

遠如期

遠如期綿且亘荷天聲奏天樂於萬玄齡集慶霞蒸分佳哉帝冲
默巨翼亮八竑呈象四海來賓普天昇平謁者歡瑤瑟齊鼓金鏡
重輝千秋萬歲倚歟哉

石流

石流流不竭清而遠積沙潰揚迴波蘭生其中香若何襲其芳兮志
貞潔於以宣主德

雜歌

五鳳曲

皇極立魄兆先混沌闢大圓太陽之下鳳翩躚其聲噦噦和太淵
萬靈交集諸福全雉紀祝雎爽鳥紀玄青丹帝座設在阿閣前

精列

聊且止氣數無守拙而已矣為無朝市姿因羨子真子谷口是吾
家離俗百餘里肝胆托寒猿親故有賢士親故有賢士山只云殘
山水只云剩水衡泌肯相容千古良在此氣數無可為守拙而已
矣

秋胡行

尺短可續尺長君莫輕以彼遠出聞雞則行以彼厚蓄聞犬則驚
火與龍敵水與虎爭破浪難凡陸行無風波蜀道之險鴻鵠難過

我惟緩步有何坎柯呂梁瞿塘其奈我何硤硤易缺吾寧為硤之
薑桂倔強負性不移君子傲世小人繞脂但恐非王王碎何辭鵲
縱可彈湏明月珠誠為國寶不是蟻蚨藏之什襲待價而沽下
和三獻自賃其誅

上留田行

夾天生不逢時俯首人下攸宜世路亦自委蛇壯志無雄雌皇天
后土於茲忠臣義士臨難方知

孤兒行

孤兒生孤兒生來未孩孱弱在母胎中母多疾無醫藥及臨盆那
有尺布縛又值隆冬寒氣猶惡兒怕凍擦傷肩與膊母腹久枵兩
嬾結澁兒飢晝宿啼母欲委溝壑隣姑聞之暗訴與叔婆連約嫂
聊餉黍粟借鍋煮湯啖兒兒啼方止嫂有忌心乞為繼子兒哺七

歲使兒牧牛牛老盡鈍噍草草成球大牛哀羸肋底腰勾小牛脚
跛倒在深溝牛死放驢馬放在東郊野霜草焦枯逸樹下兒去刈
薪薪不盈把日暮尚未歸家嫂跟尋將兒痛打驢馬怖驚翹尾却
走擔重難擔兒飢不行姊妹呵青喚兒小名風雨忽至虎豹有聲
四山昏黑急電奔碎慌忙到屋厨無宿羹使兒飼馬徑到天明天
明又出何以聊生亂曰兒欲呼母母死無知呼天憤憤天其奈姑
婦何為非親生惟有屈死

棗下何纂纂

羣樹皆直長棗生彎且曲折棗攀枝柯刺人手與足況當酷暑時
樹上纍纍垂兒童往下過三兩笑嬉嬉生者味不足拋置大路旁
熟者堪飽食留餘盛以囊猶且相勸戒弃小莫遺大剝棗須剝心
心堅咬不破

雁門太守行

塞壘無春塞衣無夏不事農工惟牧馬何曾有知力食者聞太守
至迎以鼓吹牽羊擔酒太守醉太守樂樂教民以耕鑿老少同拮
拮全不惜肩膊嗟哉何地無良民宰能樂民民亦樂樂

公無渡河

公無渡河河深不可測汝今欲渡天正黑公無渡河河寬岸忽迷
人皆胆栗我有東復西世事若較有付量安樂憂患總不妨許由
之耳神禹足孰貴孰賤空碌碌噫嗟嗟公無渡河渡河無援徒葬
無魚腹噫嗟嗟公無渡河

黃鵠歌

欲行莫躑躅聽我歌黃鵠黃鵠翅一舉青雲曲雲山香難窮翺翔
應不促弋者雖慕之安能遂所欲不如歸去來知止重吾足

誰謂河廣行

誰謂河廣渴難負芥舟天空地濶不過一浮漚苟失其勢定局豈堪酌不如安命聊且息戈矛

青驄白馬

青驄白馬雲如奔與龍為友排天門青驄權奇白馬驕狐白為

裘帽紫貂唱家門外聲如雷不知青驄白馬來手挽金鞭不

長驅半徑低聲過五都青驄珂珞身驕驕男兒豈是牖下人

駢駢白馬氣何聊家在夷門近大梁以直作畫為游豫樓蒲

才散披星去冰河千里風淒淒玉關崔巍西又西

黃頭郎

黃頭郎莫鹵莽萬事有蒼天八方有共主爾身一塊銅入火肉俱腐黃頭郎莫鹵莽

霹靂引

不跛何平不濁何清下天
上地天道亨聖人肯出鳳凰鳴
排山倒海風吹來男兒跌宕懷開手擎疾雷登高臺

枯魚過河泣

魚瘦魚鰕魚肥匪鰕魚鰕為
煖浪拍暫游淺水坻水渴魚何之

前煖聲歌

只尺非近是以萬里非遙時序
蹉跎道途偃蹇大門一出不復返
空嗟美人晚又烏知蘭亦懷春菊亦悲秋去自云去幾曾內顧含
愁山如環兮水如鈎尚且回頭

河水曲

何浮一何沉曳起即衣襟若惜污即足安知河淺深
行路難

孟春薄雪仲秋新霜北勞飛燕何奔忙行人得不戀故鄉今日歡
娛明日愁有酒焉能結綢繆深閨幼女初行聘剛會梳頭不照鏡
父母吉蠲為親迎夫婿已領從征令翡翠之衣鸚鵡舌羽族羣中
稱奇絕世人一見誰不悅暗地恁把綢羅結鸚鵡賦性何其拙日
在枝頭喚鸚鵡物有所長非祥瑞到底必為身所累
駟馬門何高蹇驢却步不敢入鴛鴦瓦何麗檣鴉低飛不敢集嗟
哉豪貴勢難屈所挾何曾無造物最彼旁人休睥睨也知富貴有

根蒂

少年為俠客舉首星可摘晚歲誰不苦衰顏暗自垂
媿掀赫珍重眼前一樹花坑之可以永今夕尊中有酒酒
酒盡歡尊中無酒還按拍趁時為樂為土策若待明朝定促迫

白波吹湖陰破雁斜飛成个个鴨呼雛沙上坐蓼花灣中花影過
前村遠隔菰蒲酒家門外酒難沽漁家門外魚也無野翁只賃不
回頭及到家中日已晡喚兒開家釀隣里來拍掌煮蟹蒸蝦共鹽
齏一曲蘆笙月初上早出暮歸亦不枉

俠客行

東去路不通西去路不通夜半猶走空山中傍人投宿無商店醉
卧娼樓忽驚魘醒來記仇不記恩側身賺過潼關去直闖咸陽門
何妨萬軍有利矢欲報吾君寧畏死

苦寒行四首

西北飄朔風木折崇山阿征途溘溘泥澤舉足戒輶軻晨興上高
嶺日夕渡冰河行行不記程鳥棲路猶賒勞逸自有絲撫膺吁嗟
林僻背大道深谷入窮鄉四隅少親隣居孤荒且涼業農工力食田

瘠無種糧貨通養生畜恒為虎狼傷官租難自辦迫走天一方母
妻暗涕泣兒女牽我裳出門失去向寧復門行裝嗟彼豪貴家團
聚亦其常

晴天有晦日積陰慘未舒丈夫侃侃志惟與白虹俱覆盆豈為冤
鑠金亦非誣苟逢讒與佞忠誠惟見愚行吟誤憔悴賦鵬徒自疎
投於冰藥中揮泣空連如

纍纍砌荆榛莽莽鬱層麓中有敗冢堆不知為誰髑狐狸穴其間
歲久陡生育子孫雖零落豈非人骨肉樵牧每過之那不眉蹙蹙
掘土視斷碣元是古巨族生既不作人死亦無人哭

石城曲四首

秦淮東西岸曲欄繞河房六朝有遺韻先上美人粧
避暑樓臺中千姝弄午扇只隔一簾櫳佳麗誰不見